

«Գրիգորիա» բժշկա-հումանիտար քոլեջ

Հաստատված է

Տնօրինական խորհրդի նիստում

«29» 08 2019թ.

Արձանագրություն № 1.

Հաստատում եմ

«Գրիգորիա» բժշկա-հումանիտար քոլեջի

Տնօրեն՝ Ի. Վարդանյան

«02» 09 2019թ.



ԱԿԱԴԵՄԻԱԿԱՆ ԱԶՆՎՈՒԹՅԱՆ

ԿԱՆՈՆԱԿԱՐԳ

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. Սույն կանոնակարգը սահմանում է «Գրիգորիս» բժշկա-հումանիտար քոլեջի այսուհետ՝ (այսուհետ՝ Քոլեջ) ակադեմիական ազնվության դրույթները, սկզբունքներն ու չափանիշները, ակադեմիական անազնվության դրսևորումները և դրանց կանխարգելման միջոցները, դասախոսական անձնակազմի, ուսանողների և նրանց ծնողների դերն ակադեմիական ազնվության ապահովման գործում:
- 1.2. Սույն Կանոնակարգն ընդունվել է Քոլեջի կողմից ակադեմիական ազնվությունը խթանելու նպատակով: Այն մշակված է Մտավոր սեփականության համաշխարհային կազմակերպության հիմնադրման մասին կոնվենցիայի 2-րդ հոդվածի (14.07.1967թ.), մտավոր սեփականության բնագավառում իրավախախտումները կանխելու նպատակով համագործակցության մասին համաձայնագրի (20.07.1999թ.), ՀՀ Սահմանադրության, Հեղինակային իրավունքի և հարակից իրավունքների մասին օրենքի (15.06.2006), **Տեղեկատվության ազատության մասին օրենքի (23.09.2003)**, Քոլեջի կանոնադրության և ներքին կարգապահական կանոնների հիման վրա:
- 1.3. Քոլեջի ուսանողները, դասախոսական, օժանդակ և վարչական կազմը, ինչպես նաև արտաքին շահեկիցները պետք է տեղեկացված լինեն սույն Կանոնակարգին, որն տեղադրված է Քոլեջի պաշտոնական վեբ կայքում:

2. ԱԿԱԴԵՄԻԱԿԱՆ ԱԶՆՎՈՒԹՅՈՒՆ ԵՎ ԱՆԱԶՆՎՈՒԹՅՈՒՆ

- 2.1. «Ակադեմիական աշխատանք» նշանակում է ցանկացած գործողություն, որը կատարվել է Քոլեջի կրթական ծրագրերի և դասընթացների հետ կապված: Ակադեմիական աշխատանքը ընդգրկում է քննություններ, ավարտական աշխատանքներ կամ թեզեր, ստուգարքներ, հաշվետվություններ, ինքնուրույն, անհատական, լաբորատոր աշխատանքներ և գիտական փորձեր, որոնք կատարվում են Քոլեջի տարբեր ուսուցման ձևերով իրականացվող կրթական ծրագրերի շրջանակներում: Այն կարող է լինել գրավոր, բանավոր կամ էլեկտրոնային:
- 2.2. Ակադեմիական ազնվություն նշանակում է կատարել բոլոր ակադեմիական աշխատանքներն առանց շահագրգռվածության, գրագողության, խաբեության, կեղծիքի, ստելու, խարդախության, գողության կամ այլ անձանցից արգելված օգնություն ստանալու և չօգտվել տեղեկատվության ցանկացած արգելված աղբյուրից:
- 2.3. Ակադեմիական ազնվություն է համարվում՝
 - 2.3.1. քննական աշխատանքների անցկացման ընթացքում ազնիվ և պատշաճ պահվածքը,
 - 2.3.2. Գիտական և հետազոտական աշխատանքներում մտքերի, գաղափարների իրական հեղինակներին նշելը,
 - 2.3.3. իրական հետազոտական արդյունքներով հիմնավորված աշխատանքի ստեղծումը,
 - 2.3.4. մտավոր սեփականության բոլոր տեսակների պաշտպանումը:

2.4. Ակադեմիական ազնվությունը նպատակաուղղված է.

- կրթության որակի և դասավանդման արդյունավետության բարձրացմանը,
- ազնվության և անաչառության մթնոլորտ ստեղծելուն,
- բացառելու ցանկացած անազնիվ վարքագիծ՝ խթանելով սովորողների նկարագրի դրական որակների զարգացումը,
- ձևավորելու սկզբունքային, մտածող, հետազոտող, բանիմաց և լայնախոհ անհատներ, որոնք կարողանում են համարձակ արտահայտել իրենց մտքերը և հարգանքով են վերաբերվում այլ մարդկանց և նրանց ստեղծած արժեքների հանդեպ:

2.5. Ակադեմիական ազնվությունն անհրաժեշտ է Քոլեջի առաքելության և ռազմավարական նպատակների արդյունավետ իրականացման, ազնիվ և փոխադարձ վստահության մթնոլորտի ապահովման, որակյալ կրթական միջավայրի ձևավորման և ծառայությունների տրամադրման համար:

2.6. Ակադեմիական ազնվության մթնոլորտ ստեղծելն ու պահպանելն Քոլեջի աշխատողների պարտականությունն է: Քոլեջի ցանկացած անդամ պատասխանատվություն է կրում աշխատավայրի ներսում ազնվության ստեղծման և պահպանման համար, որը կնպաստի Քոլեջի հեղինակության բարձրացմանը:

3. ԱԿԱԴԵՄԻԱԿԱՆ ԱՆԱԶՆՎՈՒԹՅԱՆԸ ԲՆՈՐՈՇ ՀԻՄՆԱԿԱՆ ՎԱՐՔԱՅԻՆ ԴՐՍԵՎՈՐՈՒՄՆԵՐԸ

3.1. Արգելված վարքագիծ

Ոչ մի ուսանող գիտակցաբար չպետք է կատարի, փորձի կատարել կամ աջակցի այլ ուսանողի կատարել անազնիվ գործողություն ակադեմիական աշխատանքի հետ կապված, որը պետք է առաջադիմության բարձրացման համար: «Գիտակցաբար» տերմինը, որ գործածվում է նախորդ նախադասությունում, նշանակում է, որ ուսանողը տեղյակ է, որ տվյալ ակադեմիական աշխատանքը ներկայացվելու է ակադեմիական առաջադիմության համար: «Գիտակցաբար» չի նշանակում, որ ուսանողը պետք է տեղեկացված լիներ, որ տվյալ գործողությունը խախտում է Քոլեջի ակադեմիական ազնվության քաղաքականությունը:

3.1.1. Ակադեմիական անազնվության օրինակներ

- **Գրագողությունը** - Առանց համապատասխան աղբյուրի վկայակոչման ակադեմիական առաջադիմության համար կատարված աշխատանքի մեջ ընդգրկել բառեր, տերմիններ, գաղափարներ, կարծիքներ կամ տեսություններ, որոնք հեղինակային չեն: Գրագողությունը ընդգրկում է (սակայն չի սահմանափակվում) հետևյալ գործողությունները.
 - 1) առանց չափերտների մեջ բերել այլ անձին պատկանող գրավոր կամ բանավոր խոսքերն ամբողջությամբ կամ մասամբ, տալ սխալ հղումներ և այլն,
 - 2) ներկայացնել այլ անձին պատկանող գաղափարը, տեսությունը կամ բանաձևը որպես աշխատանքը ներկայացնող անձի բնագիր աշխատանք,
 - 3) կրկնել վիճակագրական կամ դեմոգրաֆիական տեղեկությունները, որոնք հեղինակային չեն և սկզբնապես կազմվել են այլ անձի կողմից,

- 4) գնել (կամ այլ կերպով ձեռքբերել) այլ անձի կողմից կատարած աշխատանք կամ այլ առաջադրանք և ներկայացնել որպես ուսանողի ինքնուրույն աշխատանք:
- **Արգելված աջակցությունը** – Դասախոսի կողմից տրամադրել արգելված աջակցություն ցանկացած քննության կամ այլ ակադեմիական աշխատանքի վերաբերյալ: Քննությունների, ստուգարքների, լաբորատոր աշխատանքների և նմանատիպ գործողությունների ժամանակ ուսանողները պետք է տեղյակ լինեն, որ ցանկացած աջակցությունը (ինչպիսիք են գրքեր, գրառումներ, հաշվիչներ և այլ անձանց հետ խոսակցություններ) արգելված է՝ բացառությամբ այն դեպքերի, երբ այն հատուկ թույլատրված է դասախոսի կողմից: Արգելված վարքի օրինակները ընդգրկում են, սակայն չեն սահմանափակվում.
 - 1) արտագրել կամ թույլատրել այլ անձանց արտագրել քննությունների պատասխանները, քննության ժամանակ փոխանցել կամ ստանալ տեղեկություններ,
 - 2) տալ կամ ստանալ ավելի ուշ ժամկետի համար նշանակված քննությունների պատասխանները, այլ անձի փոխարեն լրացնել կամ թույլատրել այլ անձին ուսանողի փոխարեն լրացնել ամբողջ առաջադրանքը կամ դրա մեկ մասը,
 - 3) կիրառել արգելված ծրագրավորող հաշվիչ կամ այլ էլեկտրոնային սարքեր և այլն:
 - **Ստելը, կաշառելը, խարդախելը կամ կեղծելը**, - Ցանկացած ակադեմիական աշխատանքի կատարման կամ սույն Կանոնակարգի իրականացման հետ կապված կաշառում կամ ցանկացած կեղծ տեղեկությունների տրամադրում.
 - 1) Ակադեմիական աշխատանքի անբավարար կատարման կամ չկատարման դեպքում կեղծ պատճառաբանություններ (քննությանը չներկայանալ ու կամ ակադեմիական աշխատանքը չներկայացնելու համար տալ կեղծ պատճառաբանություններ):
 - 2) Փոփոխել աշխատանքը այն ներկայացնելուց հետո, բացառությամբ այն դեպքերի, եթե նման փոփոխությունները մտնում են առաջադրանքի պահանջների մեջ (ինչպիսիք են՝ դասախոսի գիտությամբ վերանայել տվյալ ակադեմիական աշխատանքը):
 - 3) Վնասել համակարգչային սարքավորումները կամ լաբորատոր սարքավորումները ակադեմիական աշխատանքի գնահատումը փոփոխելու կամ կանխելու համար:
 - 4) Գնահատականների կամ պատասխանների կեղծում՝ այլ գնահատական ստանալու նպատակով:
 - 5) Այլ սովորողի կամ ակադեմիական աշխատանքի կեղծում և վնասում:
 - 6) Քննության ժամանակ քննական հարցերի պատասխանների տրամադրումը այլ ուսանողների և այլն:
 - **Գողությունը** - Գողանալ, վերցնել կամ մեկ այլ արգելված կերպով ձեռքբերել ակադեմիական ցանկացած աշխատանքին վերաբերյալ տեղեկություններ (ինչպիսիք են՝ քննությունները, գնահատականների գրանցումները, գնահատման ձևերը, գրքերը, աշխատանքները, համակարգչային սարքավորումները և տվյալները, լաբորատոր նյութերը և տվյալները):
 - **Համաձայնությունը՝**

- 1) աշխատանքի անբարեխիղճ կատարմանը աջակցելը, թեստային աշխատանքի, քննության կամ այլ տիպի աշխատանքների (ռեֆերատ, լաբորատոր աշխատանք և այլն) ուրիշի փոխարեն կատարումը կամ ուրիշի աշխատանքի հանձնումը սեփականի փոխարեն,
- 2) գնահատական ստանալու շուրջ համաձայնությունը ուսանողի և դասախոսի միջև և այլն:
 - **Բազմապատճենումը՝**

- 1) Նույն աշխատանքը որպես տարբեր առաջադրանքներ կամ տարբեր վերնագրերով ներկայացնելը, միևնույն աշխատանքը տարբեր տիպի գնահատումների համար ներկայացնելը և այլն:

3.2. Պահանջվող վարքագիծ

Համաձայն սույն Կանոնակարգի՝ Քոլեջի դասախոսական, օժանդակ և այլ սպասարկող բաժնի և ուսանողական կազմի ցանկացած անդամ, որը տեղեկացված է սույն քաղաքականության խախտումների մասին, պարտավոր է տեղյակ պահել ուսումնական աշխատանքների գծով տնօրենի տեղակալին խախտումների վերաբերյալ:

- **Դասախոսական կազմ**

Սույն Կանոնակարգը ապահովում է Քոլեջում տեղի ունեցած ակադեմիական **անազնվության** դեպքերի ուսումնասիրության բացառիկ ընթացակարգը: Ըստ սույն Կանոնակարգի՝ դասախոսական կազմը պարտավոր է տեղյակ պահել ուսումնական աշխատանքների գծով տնօրենի տեղակալին խախտումների վերաբերյալ:

- **Ուսանողներ**

Քոլեջի ուսանող համարվելը նրա կողմից համաձայնություն է հանդիսանում ենթարկվել սույն սկզբունքներին և կանոնակարգին: Յուրաքանչյուր ուսանող պարտավոր է տեղեկանալ սույն փաստաթղթով սահմանված պայմաններին: Եթե ուսանողը խախտել է սույն քաղաքականության պայմանները, պայմաններին տեղյակ չլինելը չի ազատում պատասխանատվությունից:

4. ԱԿԱԴԵՄԻԱԿԱՆ ԱԶՆՎՈՒԹՅԱՆ ՊԱՀՊԱՆՄԱՆ ԳՈՐԾԱՌՈՒՅԹՆԵՐԸ

4.1. Քոլեջի դերն ակադեմիական ազնվություն ապահովելու գործում

- Մշակել և հաստատել ակադեմիական ազնվության Կանոնակարգը:
- Ապահովել փաստաթղթի հասանելիությունը շահակիցների հանրությանը. ուսանողներին տեղեկացնել ակադեմիական ազնվության Կանոնակարգի դրույթների մասին:
- Պարբերաբար կազմակերպել սեմինարներ և քննարկումներ Քոլեջի շահակիցների /ուսանողներ, դասախոսներ, ծնողներ, խորհրդատու/ հետ՝ ակադեմիական ազնվության վերաբերյալ:
- Յուրաքանչյուր քննական շրջանից առաջ ուսանողներին և դասախոսների տեղեկացնել թույլատրելի պարագաների ցանկի մասին /պաստառներ, աղյուսակներ, գծապատկերներ և այլ ձևերով/:

4.2. Դասախոսի դերն ակադեմիական ազնվություն ապահովելու գործում

- Մասնակցել ակադեմիական ազնվության փաստաթղթի ստեղծման, մշակման և վերանայման գործընթացին:
- Սովորողների մոտ կարևորել խնդիրները ինքնուրույնաբար լուծելու, հետազոտություններ անելու և տեղեկատվական գրագիտության հմտություններ ձեռք բերելու կարևորությունը:
- Սեփական օրինակով ձևավորել և զարգացնել ակադեմիական ազնվության կանոնները պահպանելու և դրանց հետևելու կարողություններ:
- Մասնակցել ակադեմիական ազնվության վերաբերյալ քննարկումներին, դասընթացներին և այլն:

4.3. Ուսանողի դերն ակադեմիական ազնվություն ապահովելու գործում

- Գիտենալ ակադեմիական ազնվության քաղաքականության դրույթները:
- Հարգանք դրսևորել և պահպանել այլ մարդկանց մտավոր սեփականությանը առնչվող հիմնարար պահանջները:
- Ցանկացած աշխատանք կատարելիս ընդունել և խստորեն հետևել էթիկական չափանիշներին:
- Այլ հեղինակների աշխատություններից հատվածներ օգտագործելիս անպայման ներկայացնել որպես ուրիշի ուղակի խոսք:
- Աշխատանքի վերջում պարտադիր ունենալ մատենագրություն, որտեղ նշված լինեն բոլոր տեղեկատվական աղբյուրները:
- Ուսանողական խորհուրդի կազմում մասնակցել ակադեմիական ազնվության փաստաթղթի վերանայման գործընթացին:

4.4. Ծնողների դերն ակադեմիական ազնվություն ապահովելու գործում

- Տեղյակ լինել ակադեմիական ազնվության փաստաթղթերին:
- Մասնակցել ակադեմիական ազնվությանն առնչվող քննարկումներին՝ առաջադրելով իրենց կարծիքները և առաջակությունները:

5. ԱԿԱԴԵՄԻԱԿԱՆԱՆ ԱԶՆՎՈՒԹՅԱՆ ԿԱՆԽԱՐԳԵԼՄԱՆ ԵՎ ՊԱՏԱՍԽԱՆԱՏՎՈՒԹՅԱՆ ԵՆԹԱՐԿՄԱՆ ԸՆԹԱՑԱԿԱՐԳԸ

- 5.1. Քոլեջի ուսումնական աշխատանքների գծով տնօրենի տեղակալը յուրաքանչյուր նոր աշխատակցի կամ ուսանողի ծանոթացնում են սույն կանոնակարգի հետ, ներկայացնում են ակադեմիական ազնվության չափանիշները և դրանց խախտման հետևանքները, զգուշացնում են, որ ակադեմիական անազնվություն դրսևորելը պատժելի է:
- 5.2. Ուսանողների և աշխատակիցների հետ կնքվող պայմանագրերում ներառվում է առանձին կետ, համաձայն որի նրանք տեղեկացված են ակադեմիական ազնվության սույն կարգի դրույթներին և դրանք խախտելու դեպքում կարող են ենթարկվել պատասխանատվության:

5.3. Ակադեմիական ազնվության խախտման դեպքում՝

- սովորողը հանդիպում է ունենում ամբիոնի վարիչի և հարկ եղած դեպքում տնօրենի հետ,
- կազմակերպվում է հանդիպում սովորողի ծնողի հետ,
- սովորողի աշխատանքը գնահատվում է «0»՝ առանց վերահանձման հնարավորության,

5.4. Համաձայն Քոլեջի Ներքին կարգապահական կանոնների ուսանողը հեռացվում է Քոլեջից ակադեմիական ազնվության վարքականոնների խախտման, մասնավորապես ընթացիկ և եզրափակիչ քննությունների կամ ստուգարքների ընթացքում տեխնիկական միջոցների կիրառման կամ ցանկացած այլ մեթոդով կատարած արտագրության, արտագրության փորձի և սղագրության հայտնաբերման դեպքում՝ քննություն ընդունող դասախոսը դադարեցնում է տվյալ ուսանողի քննությունը, նրան հեռացնում է քննասենյակից:

5.5. Ուսանողը, ակադեմիական անազնվություն դրսևորելու պարագայում, կարող է կրկնել դասընթացը, մնալ նույն կուրսում, դուրս մնալ Քոլեջից:

5.6. Դասախոսական, ուսումնաօժանդակ կազմի ներկայացուցիչների կամ Քոլեջի այլ աշխատակիցների կողմից ակադեմիական ազնվության սկզբունքների խախտման կամ անազնվության դրսևորման դեպքերը քննարկվում են Քոլեջի էթիկայի հանձնաժողովում՝ այդ հանձնաժողովում հարցերի քննարկման ընթացակարգով:

5.7. Ե՛վ ուսանողին, և՛ Քոլեջի այլ ներկայացուցիչների տրվում են գրավոր նկատողություններ, որոնցում հստակ նկարագրվում է նրանց կողմից դրևորած անազնիվ վարքը:

6. ԿԱՆՈՆԱԿԱՐԳԻ ՀԱՍՏԱՏՄԱՆ ԵՎ ՓՈՓՈԽՈՒԹՅԱՆ ԿԱՐԳԸ

6.1. Սույն կանոնակարգը հաստատում է Քոլեջի Տնօրինական խորհուրդը:

6.2. Կանոնակարգում փոփոխություններ ու լրացումներ կարող են կատարվել Քոլեջի Տնօրինական խորհրդի որոշմամբ՝

- տնօրենի,
- Տնօրինական խորհրդի անդամների,
- ուսանողական խորհրդի,
- որակի ապահովման պատասխանատուի առաջարկությամբ: